



# Oz è igl De internaziunal dalla matematica



4  
3  
1  
2

# MARS

# Igl De internaziunal dalla matematica

Ainten scola amprenas te tgi matematica è dumbrar e far chints. Per exaimpel plus e minus. Aint igl rom matematica amprenas te er a misirar ed a plazzar u dessignier mosters, forsa perfign cun furmas geometricas scu per exaimpel trianghels e quadrats. Matematica dattigl pero betg angal ainten scola. Sch'ins varda bagn, alloura ins vei matematica da pertot. Veist te dombers, mosters e furmas aint igl ties mintgade? Ea, chegl è matematica. La matematica è impurtanta per la nossa veta. E percheigl dattigl igl De internaziunal dalla matematica. Chel dattigl pir siva digl 2020, cura tgi las Naziuns Uneidas on decidia da far mintg'on en tal de. La matematica ans geida a tgapeir igl mond ed ella ans geida a crear tgossas. Ainten la tecnica ins dovra la matematica per construeir maschinas, scu per exaimpel computers, autos u aviuns. Ma er ainten

la nateira ins catta matematica! Ena puscha-pegn consista per exaimpel da spiralas – spiralas èn en moster matematic. Ed er sen las alas dallas pulas ògl bliers mosters pitschens tg'èn fitg regulars e matematicamaintg exacts.

Cò en pêr exaimpels, noua tgi te scontras schiglio anc la matematica:


Schi te fast ena petta, stost te pasar las ingredienzas.

Schi te mettas meisa, stost te stibgier quants plats, quantas stgagnas, quants cuntels e quants sdoms tgi dovra.

Schi te vot parteir la tia marena cun igls ties cumpogns, per exaimpel en meil, stost te stibgier an quantas parts tgi te ast da tagler el.

Er gis on savens da far cun matematica. E cun la matematica ins so giuier! Igl motto digl De dalla matematica 2024 ò percheigl er nom «Nous giuiagn cun la matematica»!

**Ponderescha:**  
Tge dattigl 1 geda?  
Tge dattigl 2 gedas?  
Tge dattigl 3/4/5/6/... /1000 gedas?  
Tge dattigl 1 milliun gedas?







# Gi da dombers

1

- 1 Malegia sen igl catram 10 quadrets cun mintgamai en domber dad 1 anfignen 10.
- 2 Tschertga puschas-pegn u crappa e metta la quantidad correspondenta ainten mintga quadret.

Schi te fast igl gi a tgesa, sast te piglier battungs, culignas da vèder, marungs, viertgels da cloccas u oters pitschens objects.



# Scatla da chintar

# 2

Te dovras:

- ena scatla da zurplegns gronda
- en toc cartung

- curals da lenn, pitschens craps u oters pitschens objects
- material per decorar la scatla



Uffizi federal da cultura UFC

Schweizerische Eidgenossenschaft  
Confédération suisse  
Confederazione Svizzera  
Confederaziun svizra



text: Chatrina Josty, illustraziun: Yvonne Giemel,  
grafica: Theres Jörgen, fotografia: Jörgen-Staubs  
zarinregia: Johanna Berthel  
© Lia Rumantscha

**KIDSFITSCH**  
Lia Rumantscha

- 1 Taglia or dad en toc cartung ena pitschna sparteida tgi è en po pi gronda tgi ena mesa vart curta dalla scatla. Tatga la sparteida ainten la scatla, circa aintamez.
- 2 Decorescha la scatla tenor igl ties gost. Forsa vot te decorar la tia scatla cun igl ties domber preferia? U ast en'otra ideia?

Ossa chinta:

- Metta tschintg curals ainten la scatla e scassa ella.
- Derva la scatla anfignen tar la sparteida. Varda tgi la sparteida seia dalla vart tgi mossa cunter tè (sot).
- Amprova ossa da chintar: quants curals veist te? Schi te ast mess tschintg curals ainten la scatla, quants sa cattan dall'otra vart dalla sparteida?
- Ast gia raschung? Schi ea, metta anc en cural ainten la scatla. Fò chel pass anfignen tgi vign smala grev! Sch'igl è mengia grev, peglia or en cural ed amprova anc eneda.

1



2

